

# BID'AH À LA LUMIÈRE DE QUR'ĀN & SUNNAH

## RÉFUTATION ARGUMENTS WAHHĀBIY CONTRE BID'AH HASSANAH & BID'AH PRATIQUÉ PAR WAHHĀBIY DANS MASJID-UL-HARĀM TROISIÈME PARTIE

Préparé par 'Abdul Mustwafâ, avec collaboration Frère Abu Hanaan

Révisé par Shaykh Qâri Mansoor رحمته الله

**Publié par RAZA ACADEMY**

Décembre 2023

بِسْمِ اللَّهِ الرَّحْمَنِ الرَّحِيمِ

Dans le journal précédent, nous ti explique enn Hadeeth ki prouve l'existence de Bid'ah Hassanah. Ensuite nous ti répondre quelques objections de Wahhâbiy.

### ENN DEUXIÈME PREUVE DE BID'AH HASSANAH

Concernant Namâz Tarâweeh, Sayyidunâ 'Umar رضي الله عنه ti dire :

نَعْمَ الْبِدْعَةُ هَذِهِ

Comme c'est enn bon Bid'ah !

**Ref : Swaheeh Bukhâriy HNo 1906**

### ARGUMENT WAHHĀBIY

Shabbir Chowtee écrire :

Umar ti dire sa parole la apres qui li ti unir bans dimounes pour faire Swalat Taraawiih ensemble, et faire Swalat Taraaweeh en jamaat c'est pas Bid'ah parcequi le prophete ﷺ fine faire li pendant qui li ti vivant.

**Ref : La réalité de Bid'ah pg 88**

Après quelques lignes, Shabbir Chowtee dire:

Après la mort du prophète ﷺ, li claire qui sa cause la n'est plus diboute, et qui Sunnah faire Swalaat Taraawiih en Jamaat li reste deboute. Donc, Umar fine simplement revivre ene Sunnah qui le Prophète ti pe faire, li fine re unir bans musulmans pour Swalaat Taraawiih pareille couma le prophète ﷺ ti unir zotte.

Basant lors sa explication la, nous comprend qui Umar pas fine faire aucun Bid'ah. Et alors, quand li pe dire " comment c'est ene bon Bid'ah " li pe faire reference à Bid'ah dans la langue arabe, c'est à dire " comment c'est ene bon quitechose qui Abu Bakr pas fine faire avant moi ".

**Ref : La réalité de Bid'ah pg 88**

## NOUS RÉPONSE :

Quand nous étudier explication Wahhâbiy, nous comprend ki zott argument (li) comme suit:

1. Rasoulullâh ﷺ finn faire Namâz Tarâweeh.
2. Ensuite Sayyidunâ ‘Umar رَضِيَ اللهُ عَنْهُ finn simplement continuer ça.
3. Alors quand Sayyidunâ ‘Umar رَضِيَ اللهُ عَنْهُ finn servi le mot « Bid’ah » concernant Tarâweeh ki finn faire dans so l’époque, alors li finn référence à Bid’ah dans la langue et non pas dans Sharee’ah.
4. Donc, Tarâweeh couma pé faire zordi (li) selon principe et l’enseignement de Rasoulullâh ﷺ et de bann Swahâbah, et péna narien de Bid’ah là-dans.

D’abord nous pou explique point No. 3, c.à.d. la question de Bi’dah dans la langue et Bid’ah dans Sharee’ah. Ensuite nous pou vinn avec le quatrième point en détail, Inn Shâ Allâh.

## DEUX CATÉGORISATION DE BID’AH AUPRÈS DE BANN SAVANTS

Certains ‘Ulamâ finn classier Bi’dah en :

1. Bid’ah Hassanah (*bon Bid’ah*)
2. Bid’ah Sayyi-ah (*mauvais Bid’ah*)

Tandis que certains ‘Ulamâ finn classier Bi’dah en :

1. Bid’ah Lughawiyah (*Bid’ah dans la langue*)
2. Bid’ah Shar’iyyah (*Bid’ah dans Sharee’ah*)

Quand ou faire enn étude approfondie lors ça deux catégorisations-là, ou pou arrive lors conclusion ki en réalité céki enn groupe de bann ‘Ulamâ pé appelle « Bid’ah Lughawiyah » (*Bid’ah dans la langue*), l’autre groupe de bann ‘Ulamâ pé appelle ça même « Bid’ah Hassanah » (*bon Bid’ah*). Et céki enn groupe pé appelle « Bid’ah Shar’iyyah » (*Bid’ah dans Sharee’ah*), l’autre groupe finn appelle li « Bid’ah Sayyi-ah » (*mauvais Bid’ah*). Laisse nous mieux comprend cela par analyse définition « Bid’ah » selon les deux groupes de bann ‘Ulamâ.

Parmi bann ‘Ulamâ ki finn adopter la première catégorisation (c.à.d. *bon Bid’ah/mauvais Bid’ah*), nous gagne le grand Imâm Shâfi’iy رَضِيَ اللهُ عَنْهُ (dcd 204 Hijriy). Celui-ci dire :

الْبِدْعَةُ بَدْعَتَانِ مَحْمُودَةٌ وَمَذْمُومَةٌ فَمَا وَافَقَ السُّنَّةَ فَهُوَ مَحْمُودٌ وَمَا خَالَفَهَا فَهُوَ مَذْمُومٌ  
الْمُحَدَّثَاتُ ضَرْبَانِ مَا أُحْدِثَ يُخَالِفُ كِتَابًا أَوْ سُنَّةً أَوْ أَثَرًا أَوْ إِجْمَاعًا فَهَذِهِ بَدْعَةُ الضَّلَالِ وَمَا أُحْدِثَ مِنَ الْخَيْرِ لَا يُخَالِفُ  
شَيْئًا مِنْ ذَلِكَ فَهَذِهِ مُحَدَّثَةٌ غَيْرُ مَذْمُومَةٍ

Ena deux qualité Bid’ah ; louable et blâmable

Donc céki en conformité avec Sunnah, alors li louable. Et céki oppose li (Sunnah), alors li blâmable. Bann nouveautés (zott) en deux types : Céki finn être inventé et li contredire Qur’ân oubien Sunnah oubien Athar oubien Ijmâ’, alors ça c’est Bid’ah de l’égarement. Et

céki finn être inventé et li pas contredire aucaine de ça (Qur'ân oubien Sunnah oubien Athar oubien Ijmâ'), alors ça c'est enn nouveauté ki pas blâmable.

**Ref : Fath-ul-Bâriy Vol 13 pg 253**

De l'autre côté, bann savants ki finn adopter la deuxième catégorisation (c.à.d *Bid'ah Lughawiyah/Bid'ah Shar'iyyah*), zott définition de Bid'ah (li) comme suit.

Hâfiz Ibn Rajab Hambaliy dire:

والمراد بالبدعة: ما أُخْدِثَ مِمَّا لَا أَصْلَ لَهُ فِي الشَّرِيعَةِ يَدُلُّ عَلَيْهِ، فَأَمَّا مَا كَانَ لَهُ أَصْلٌ مِنَ الشَّرْعِ يَدُلُّ عَلَيْهِ، فَلَيْسَ بِبَدْعَةٍ شَرْعًا، وَإِنْ كَانَ بَدْعَةً لُغَةً...

وأما ما وقع في كلام السلف من استحسان بعض البدع، فإتِّمًا ذلك في البدع اللُّغوية، لا الشرعية

Bid'ah c'est kitchose ki finn être inventé, ki péna so trace dans Sharee'ah ki capave soutenir li. Ainsi (enn nouveauté) ki éna so trace dans Sharee'ah ki approuve li, alors c'est pas Bid'ah d'après Sharee'ah, même si li capave Bid'ah dans la langue...

**En ceki concerne parole de bann Salaf ki zott finn considère certains Bid'ah « BON », alors ça en réalité c'est bann Bid'ah dans la langue, et non pas Bid'ah dans Sharee'ah.**

**Ref: Jāmi'ul 'Uloom Wal Hikam pg 596**

Explication de Hâfiz Ibn Rajab Hambaliy (li) prouve l'existence du concept de « Bid'ah Hassanah » auprès de bann Salaf clairement, et aussi le point ki ça deux différente catégorisation-là (li) seulement enn « Khilâf Lafzwiyy », c-à-d. enn différence dans terminologie, et pas plus.

En bref, voici céki les deux groupes pé dire :

Selon 1 <sup>er</sup> Groupe de bann savants		Selon 2 <sup>ème</sup> Groupe de bann savants	
Bid'ah divisé en deux :		Bid'ah divisé en deux :	
Lughawiyah	Shar'iyyah	Hassanah	Sayyi-ah
↓	↓	↓	↓
Enn nouveauté ki <u>pas</u> contredire bann principes de Sharee'ah. Donc li Bid'ah dans la langue, mais pas Bid'ah dans Sharee'ah. <i>Li permmissible pou pratique li.</i>	Enn nouveauté ki contredire bann principes de Sharee'ah. C'est ça Bid'ah-là ki finn être condamné par Rasoulullâh ﷺ. <i>Li pas permmissible pou pratique li.</i>	Enn nouveauté ki <u>pas</u> contredire bann principes de Sharee'ah. Alors c'est enn bon Bid'ah et li pas ça Bid'ah ki finn être condamné par Rasoulullâh ﷺ. <i>Li permmissible pou pratique li.</i>	Enn nouveauté ki contredire bann principes de Sharee'ah. Alors c'est enn mauvais Bid'ah et Sharee'ah finn défendre ça. <i>Li pas permmissible pou pratique li.</i>

Li possible ki Wahhâbiy pas d'accord avec nous et zott lutter pou prouver ki nous dans erreur. Nous dire bann-là réfléchit bien avant faire cela, parce ki selon zott, façon ki Namâz Tarâweeh être accompli zordi, (li) seulement enn Bid'ah dans la langue, et li pas différent de céki Rasoulullâh ﷺ et so bann Swahâbah finn faire.

Eski li vraiment coumça selon bann savants Wahhâbiy ? La réponse c'est carrément « NON » et nous pou prouve ça devant... Eh bien, si zott Tarâweeh (li) pas pareil couma Tarâweeh de Rasoulullâh ﷺ et so bann Swahâbah, selon zott propre savants, et malgré ça zott appelle li Bid'ah Lughawwiyyah (*Bid'ah dans la langue*), alors ça automatiquement prouvé ki céki zott appelle Bid'ah Lughawwiyyah, c'est ça même ki nous pé appelle Bid'ah Hassanah !

## DIVERGENCE CONCERNANT NOMBRE DE BANN RAK'ÂT TARÂWEEH

Selon bann savants Wahhâbiy, la façon ki Rasoulullâh ﷺ et bann Swahâbah finn faire Tarâweeh et zordi couma faire li, li pas pareil. Plusieurs Wahhâbiy pas d'accord ki c'est 20 Rak'ât. Zott dire ki Rasoulullâh ﷺ, Sayyidunâ 'Umar رَضِيَ اللهُ عَنْهُ et bann Swahâbah finn faire seulement 8 Rak'ât. Voici ki nous gagner comme titres dans enn livre ki le « Muhaddith » de bann Wahhâbiy, **ALBĀNIY** finn écrire :

لم يصل ﷺ التراويح أكثر من إحدى عشرة ركعة. (ص ١٦).

اقتصاره ﷺ على الإحدى عشرة ركعة دليل على عدم جواز الزيادة عليها. (ص ٢٢).

احياء عمر لسنة الجماعة في التراويح وأمره بإحدى عشرة ركعة. (ص ٤١).

لم يثبت أن أحداً من الصحابة صلاها عشرين. (ص ٦٥).  
وجوب التزام الإحدى عشرة ركعة والدليل على ذلك. (ص ٧٥).

- ✓ Rasoulullâh ﷺ pas finn faire Tarâweeh plus ki 11 Rak'ât.
- ✓ Le fait ki Rasoulullâh ﷺ finn faire seulement 11 Rak'ât li enn preuve ki pas gagne droit ajouter dans Tarâweeh.
- ✓ 'Umar finn réviser Sunnah de Jamâ'ah Tarâweeh et li finn ordonne pou faire 11 Rak'ât.
- ✓ Li pas prouvé ki kikène parmi bann Swahâbah finn faire 20 Rak'ât.
- ✓ L'obligation reste attaché avec l'accomplissement de 11 Rak'ât et so preuve...

**Ref : Swalât-ut-Tarâweeh pg 7,8**

Enn deuxième place, **Albâniy** dire :

الجواب: رسول الله ﷺ عاش ٢٠ سنة وهو لا يزيد في رمضان ولا

في غيره عن إحدى عشرة ركعة.

إذا لم نتخذ هذا النص دليلاً يمنع المسلم أن يتزيد في هذا العدد فأى

سنة يمكن أن نمنع الناس أن يتزيدوا عليها؟!  
لا شيء أبداً!!

...Rasoulullâh ﷺ pas ti pé faire plus ki 11 Raka'at (dans Tarâweeh/Qiyâm-ul-Layl) pendant Ramadwân et en dehors Ramadwân.

Si nous pas prend ça texte-là comme preuve ki empêche enn musulman augmente nombre de Raka'at (de Tarâweeh), alors ki Sunnah nous pou capave empêche dimoune ajouter là-dans ?!! Catégoriquement rien !!

ثم ما هي البدعة؟

البدعة فيما تذهبون إليه من قوله عليه السلام: «كل بدعة ضلالة وكل ضلالة في النار» ما هي البدعة؟

أليس هي الزيادة على ما جاء به الرسول ﷺ من طاعة وعبادة؟! إن كان كذلك فإن الجواب الذي قلته آنفاً بأن الأصل في العبادات المنع إلا لنص.

Ensuite, **c'est quoi Bid'ah ?** Bid'ah, ki zott comprend dépi parole de Nabiyyé Kareem ﷺ « Tous bid'ah c'est l'égarement et tous l'égarement dans du feu (l'enfer). » **C'est quoi Bid'ah?**

Eski c'est pas ajouter dans céki Rasoulullâh finn enseigner dans (bann actes de) l'obéissance (Allâh) et 'Ibâdat ?! Si li dans ça façon là alors ça c'est la réponse ki mo finn donner ci-avant ki « La règle concernant 'Ibaadat c'est l'empêchement sauf si li supporté par enn texte. »

من أجل ذلك يفرق العلماء - كما تعلم - بين عبادة مقيدة وبين عبادة مطلقة، ثم يقع الخلاف في عبادة ما: هل هي مطلقة أم هي مقيدة؟ فعلى ما يثبت عند العالم يكون الجواب.

C'est pour cela ki couma to conner bann 'Ulamâ finn différencier entre 'Ibâdat Muqayyad (restrictif) et 'Ibâdat Mutlaq (irrestrictif). Ensuite finn éna divergence dans enn 'Ibâdat particulier: Eski li Mutlaq (irrestrictif) oubien Muqayyad (restrictif)? Alors céki finn prouvé auprès du savant, la réponse finn basé lors là.

الآن إذا أردنا أن نقول كما يقول كثير من العلماء اليوم ممن لا يرون أن المنع من صلاة مائة ركعة في كل ليلة.. مئة ركعة!!! هؤلاء حجتهم أن قيام الليل... مطلقة.. صلاة مطلقة.. فأنا أقول أن عجبى يكاد لا ينتهى من مثل هذا القول، أصلاة مائة ركعة طاعة أم غير طاعة؟

Maintenant si nous oulé dire couma beaucoup bann 'Ulamâ de nos jours dire, bann ki zott péna l'opinion de l'empêchement à propos 100 Rak'ât Namâz chaque nuit... 100 Rak'ât !!! ça bann-là (zott) preuve c'est Qiyâm-ul-Layl (li) Mutlaq (péna restriction)... enn Namâz ki péna restriction... Alors moi (mo) dire ki mo étonnement pas fini avec ça qualité parole là. Eski 100 Rak'ât Namâz c'est l'obéissance (à Allâh) ou pas ?

إن كانت طاعة كيف غفل عنها رسول الله؟  
 لماذا لم يسن ولو مرة واحدة في حياته؟  
 هل صلى مائة ركعة مرة واحدة في هذه الفترة الطويلة جداً؟  
 هل يصلى خمسين ركعة... مئة ركعة... مرة واحدة حتى يبين  
 للناس ما أمر ببيانه في القرآن: ﴿وَأَنْزَلْنَا إِلَيْكَ الذِّكْرَ لِتُبَيِّنَ لِلنَّاسِ مَا نَزَلَ  
 إِلَيْهِمْ﴾ أن هذا نفل مطلق.

Si ça ti l'obéissance couma ce fait-il ki Rasoulullâh ﷺ finn néglige ça?

Kifer Li ﷺ pas finn légifère cela, même enn fois dans so la vie?

Eski Li ﷺ finn accomplir 100 Rak'ât même enn fois dans ça très long duration-là ?

Eski Li ﷺ finn accomplir 50 Rak'ât... 100 Rak'ât... même enn fois afin ki Li ﷺ éclaircit à bann dimounes céki Li ﷺ être ordonné pou éclaircir dans Qur'ân :

« Nous finn faire descendre vers Toi le rapel afin ki to explique bann dimounes céki finn être revélé à zott »

فالتزام الرسول ﷺ إحدى عشرة ركعة يا جماعة طيلة حياته المباركة  
 هذا ما يدل أن هذه عبادة مقيدة!!

فإن كان هذا ما يدل فما هو الدليل على أن نقول أن أى عبادة لا يجوز

الزيادة عليها؟

Alors le fait ki Rasoulullâh ﷺ finn tout le temps dans so la vie Mubârak accomplir 11 Rak'ât, O Jamâ'ah, eski li pas enn preuve ki ça c'est enn 'Ibaadat Muqayyad (restreint) !!!

Si ça c'est pas enn preuve, alors basant lors ki preuve nous capave baser pou dire concernant quique 'Ibaadat, ki pas gagne droit ajouter là-dans ?

**Ref: Fatâwâ Albâniy pg 315,316**

Après ki nous finn étudier explication de Albâniy, nous comprend clairement ki bann Wahhâbiy ki faire 20 Rak'ât Tarâweeh, zott finn oppose principe de Rasoulullâh ﷺ et de bann Swahâbah, selon principe Wahhâbiy. Ici mo envi faire le Wahhâbiy rappel céki zott même finn écrire, et mo espérer ki zott applique ça lors zott.

Shabbir Chowtee écrire:

Ahmad ibnul-Hasaan Ar-Raazi dire:

كُلُّ مَا أُحْدِثَ بَعْدَ نُزُولِ هَذِهِ الْآيَةِ فَهُوَ فَضْلَةٌ وَزِيَادَةٌ وَبِدْعَةٌ

[Tous cequi finn inventé après la descente de sa Aayat la, li ene residu, ene surplus et ene Bid-'ah.]

Basant lors la, nous dire qui l'Islaam c'est ene Deen qui fine complete en l'année 10 H, et alors, n'importe qui sanla introduire ene quitechose nouveau dans sa Deen la qui pas ti existe avant l'année 10 H, comme si li pe dire : "Deen la pas complete".

Donc, l'Islaam c'est ene Deen qui complete, et nous ena juste pour suivre et nonplus inventer. N'importe qui sanla invente ene quitchose dans Deen Islaam qui pas ti existe dans l'époque du prophète ﷺ et so bans Swahaabah, li pe simplement essaye faire croire qui cequi Allaah finn donne nous, li pas suffit.

**Ref : La réalité de Bid'ah pg 34**

Shabbir Chowtee écrire:

N'importe qui sanla qui faire bans actions qui le prophète so bans Swahaabah pas finn faire, surtout les quatre premiers Khaliifah, pas ena doute ki li dans l'égarement.

**Ref : La réalité de Bid'ah pg 44**

## **ENN « BID'AH » APPROUVÉ ET PRATIQUÉ PAR WAHHĀBIY DANS MASJID-UL-HARĀM : DU'Ā KHATM-UL-QUR'ĀN DANS TARĀWEEH**

Wahhâbiy éna l'habitude faire Du'â Khatm-ul-Qur'ân dans Namâz Tarâweeh dans Masjid-ul-Harâm. En réalité ça (li) enn **BID'AH** selon principe Wahhâbiy et nous gagne plusieurs savants Wahhâbiy ki finn avouer cela.

Le Mufti Wahhâbiy de L'Arabie Saoudite, Bakr ibn 'Abdillâh Abou Zayd dire :

ز - دعاء الختم داخل الصلاة.  
فهذه الأمور السبعة، لا يصح فيها شيء عن النبي  
صلى الله عليه وسلم ولا عن صحابته، رضي الله عنهم،  
وعامة ما يروى في بعضها مما لا تقوم به الحجة فالصحيح  
عدم شرعية شيء منها.

- Du'â Al-Khatm dans Namâz

Ça 7 kitchoses-là, péna aucaine preuve authentique dépi Rasoulullâh ﷺ et so bann Swahâbah. En général céki finn être rapporté concernant certain, pas capave servi li comme argument. Alors ceki correcte ki aucaine de ça pas en conformité avec Sharee'ah.

**Ref : Bid'ah Al-Qurrâ pg 27**

Le « Muhaddith » de bann Wahhâbiy, Albâniy:

حكم دعاء ختم القرآن في التراويح

مداخلة: دعاء ختم القرآن وخاصة في التراويح هل له أصل؟ الشيخ: لا، ليس له أصل.

**Jugement concernant Du'â Khatm-ul-Qur'ân dans Tarâweeh.**

**Question :** Eski Du'â Khatm-ul-Qur'ân , spécialement dans Tarâweeh (li) fondé ?

**Réponse :** Non li pas fondé.

**Ref: Jâmi' Turath Fiqh Albani fil Fiqh Vol 7 pg 131**

Enn deuxième place, Albâniy dire:

ومما لا شك فيه أن التزام دعاء معين بعد ختم القرآن من البدع التي لا تجوز؛ لعموم الأدلة، كقوله صَلَّى اللهُ عَلَيْهِ وَسَلَّمَ: "كل بدعة ضلالة، وكل ضلالة في النار"، وهو من البدع التي يسميها الإمام الشاطبي بـ "البدعة الإضافية"

Et parmi bann choses ki péna doute là-dans c'est la pratique de reste faire le Du'â spécifique après termine lecture Qur'ân, ça (li) pas permissible, basant lors bann preuves générales, par exemple parole de Rasoulullâh ﷺ « Tous Bid'ah c'est l'égarement, et tous l'égarement dans du feu (l'enfer). »

Ça (li) forme partie de bann Bid'ah ki Imâm Shâtwiyy fin appelle comme « Bid'ah Idwâfiyyah ».

**Ref : Silsilah Dwa'eefah Vol 13 pg 315**

Le Mufti Wahhâbiyy de L'Arabie Saoudite, 'Uthaymeen :

سئل فضيلة الشيخ: عن حكم دعاء ختم القرآن في قيام الليل في شهر رمضان؟

فأجاب فضيلته بقوله: لا أعلم في ختم القرآن في قيام الليل في شهر رمضان سنة عن النبي صَلَّى اللهُ عَلَيْهِ وَسَلَّمَ، ولا عن أصحابه أيضاً، وغاية ما ورد في ذلك أن أنس بن مالك - رضي الله عنه - : "كان إذا ختم القرآن جمع أهله ودعى" وهذا في غير الصلاة...

ولكن بعض أهل العلم قال إنه يستحب أن يختم القرآن بهذا الدعاء

('Uthaymeen) fin être questionné à propos jugement faire Du'â Khatm-ul-Qur'ân dans Qiyâm-ul-Layl durant mois Ramadhân ?

**Réponse :** Mo pas conne aucaine (preuve dépi) Sunnah de Rasoulullâh ﷺ et ni dépi so bann Swahâbah aussi, concernant (faire Du'â quand) termine lecture Qur'ân dans Qiyâm-ul-Layl dans le mois Ramadhân. Maximum céki fin rapporté c'est ki Sayyidunâ Anas ibn Mâlik رضي الله عنه ti habituer réuni so famille et faire Du'â, quand li termine lecture entier Qur'ân. Mais ça ti en dehors Namâz...

Néanmoins, certains savants fin dire ki li Mustahab pou termine lecture Qur'ân avec ça Du'â-là.

**Ref : Majmou' Fatâwâ Vol 14 pg 212**

Remarquez ki 'Uthaymeen fin avouer ki ça Du'â-là pas prouvé dépi Nabiyyé Kareem ﷺ et ni dépi bann Swahâbah... Eski c'est pas ça même définition de Bid'ah auprès de zott ? Alors 'Uthaymeen ti simplement éna pou ensuite dire ki li pas permissible et c'est enn Bid'ah. Kifer fin bizin servi parole de certain savants pou prouve permissibilité de quelque chose ki pas prouvé dépi Rasoulullâh ﷺ et so bann Swahâbah ? C'est pas 'Uthaymeen même ki fin dire :

فإن التعبد لله تعالى بقول أو فعل أو اعتقاد لم يكن عليه النبي صلى

الله عليه وسلم وأصحابه بدعة وضلالة

[ Faire Ibaadat Allaah par n'importe qui parole ou action ou conception qui ni le prophète et ni so bans compagnons ti lor la, c'est ene innovation et ene l'égarement.]

فالعبادات مبناهما على الأمر فما لم يثبت فيه أمر الشارع فهو

بدعة

[Tous bans Ibaadah zotte repose lor ene l'ordre (depuis Allaah ou le prophète). Cequi pas confirmé qui ena ene l'ordre lor la depuis le législateur, li ene innovation.]

وكل أمر تعبدي لم يرد عن النبي صلى الله عليه وسلم فإن إحدائه بدعة

[ N'importe qui quitechose qui bans dimounes faire avec ene l'esprit de Ibaadah, si sa pas rapporté depuis le prophète, alors so l'innovation c'est ene Bid'ah.]

كل من دان لله سبحانه وتعالى مما ليس في كتاب الله أو سنة رسوله

صلى الله عليه وسلم فإنه بدعة

[ N'importe qui sanla qui humilié-li a Allaah par cequi pas ena dans le livre d' Allaah ou Sunnah de So messenger, sa quitechose la li ene innovation.]

**Ref: BID'AH ET BANS BIDATI D'APRÈS SHEIKH AL-UTHAYMIIN**

**NOTE :** 'Uthaymeen finn aussi cite pratique de Sayyidunâ Anas ibn Mâlik رَضِيَ اللهُ عَنْهُ . Nous pou commente lors là, mais d'abord nous pé cite Fatwâ de l'ancien plus grand Mufti du Royaume Wahhâbiy, **IBN BAAZ** à propos Du'â Khatm-ul-Qur'ân dans Namâz Tarâweeh.

## **IBN BAAZ DÉCLARE ENN « BID'AH » COMME SUNNAH !**

-حكم دعاء ختم القرآن في التراويح

س: تقول السائلة: هل دعاء ختم القرآن الذي يقرأ سنويا في صلاة التراويح، في آخر ليالي شهر رمضان في المساجد، هل يعتبر من البدع المحدثه ؟

ج: ليس من البدع، بل هو مستحب وسنة، فعله السلف، وفعله بعض أصحاب النبي صلى الله عليه وسلم، بعد ختم القرآن يدعو بالدعوات الطيبة، سواء في التراويح أو في غيرها، وإذا ختم الإنسان القرآن في أي وقت دعا؛ سواء في الصلاة، أو في خارج الصلاة، وترجى الإجابة، وكان هذا من فعل السلف، وهو ما روي عن جماعة من الصحابة، فلا حرج في ذلك، بل هو مطلوب ومشروع، وفيه خير كثير

### **HUKM DU'Ā KHATM-UL-QUR'ĀN DANS TARĀWEEH**

Question: Eski Du'â Khatm-ul-Qur'ân ki être lit annuellement dans Namâz Tarâweeh dans bann derniers nuits du mois Ramadhân, dans bann Masjid, eski ça être considéré parmi bann Bid'ah inventé ?

Réponse : **Li pas parmi bann Bid'ah, au contraire li MUSTAHAB et SUNNAH.** Bann Salaf finn pratique li. Certains Swahâbah finn pratique li, quand zott termine lecture Qur'ân, zott faire bann bon Du'â. Que ce soit dans Tarâweeh oubien en dehors Tarâweeh, quand enn personne termine lecture Qur'ân, dans n'importe ki l'heure, li (capave) faire Du'â, que ce soit durant Namâz oubien en dehors Namâz, et garde l'espoir ki li exaucé. Ça ti parmi

pratique de bann Salaf, et ça c'est céki finn être rapporté dépi enn groupe de bann Swahâbah, alors péna problème là-dans. Au contraire li recommandé et correcte selon Sharee'ah. Ena du-bien beaucoup là-dans...

**Ref: Fatâwâ Noor 'alaa Darb Vol 10 pg 13**

## **ANALYSE FATWĀ DE IBN BAAZ:**

1. **IBN BAAZ** dire ki li permissible pou faire Du'â Khatm-ul-Qur'ân dans Namâz Tarâweeh, basant lors la pratique de Sayyidunâ Anas ibn Mâlik رضي الله عنه ki celui-ci ti habituer réuni so famille et faire Du'â EN DEHORS NAMĀZ, quand li termine lecture entier Qur'ân. C'est seulement ça enn « preuve » ki Wahhâbiy éna dépi bann Swahâbah et ça c'est enn réalité ki même 'Uthaymeen<sup>1</sup> et Albâniy finn obliger accepter.

Le Muhaddith de bann Wahhâbiy, Albâniy dire :

ختم القرآن إذا ختم المسلم يسن في حقه أو يستحب أن يدعو ويجمع أهله، أما ختم القرآن هكذا في الصلاة صلاة القيام، فهذا الدعاء الطويل العريض هذا لا أصل له إطلاقاً

Li Sunnah et Mustahab pou enn musulman quand li termine lecture entier Qur'ân, pou li faire Du'â et li réuni so famille. En céki concerne termine récitation entier Qur'an dans Qiyâm-ul-Layl (Tarâweeh) et faire ça long Du'a-là, ça li pas fondé catégoriquement.

**Ref: Jâmi' Turath Fiqh Albani fil Fiqh Vol 7 pg 131**

La question ki posé ici, c'est couma l'ancien plus grand Mufti Wahhâbiy de L'Arabie Saoudite, **IBN BAAZ**, finn capave faire Qiyâs et base lors Du'â ki enn Swahâbiy finn faire en dehors Namâz pou prouve Du'â ki Wahhâbiy faire dans Namâz ?

Eski c'est pas zott même ki dire :

هذا فيه نظر ولو قيده الشارح بزمان النبي لكان أوجه لأنه في ذلك الزمن لا يقر على باطل خلاف الحال بعد موت النبي فإن الوحي قد انقطع والشريعة قد كملت والله الحمد فلا يجوز أن يزداد في العبادات ما لم يرد به الشرع

[Ceci est à considerer. Si le commentateur (Ibn Hajar) ti dire qui sa li restreint avec l'époque du prophète, li ti pour plus correct, parcequ dans sa l'époque la (personne) pas ti pe etre approuvé lor ene fausseté, contrairement de la situation après la mort du prophète, parcequ Wahi fine fini coupé et Sharii'ah fine fini completé, tous louanges à Allaah. Alors, pas gagne droit ajoute dans bans Ibaadat, quitechose qui Sharii'ah pas fine apporté.]

**Ref : La réalité de Bid'ah pg 97, 98**

Shabbir Chowtee écrire :

Dans Usoul-ul-Fiqh, ena ene Qaa-idah qui dire:

الأصل في العبادة المنع إلا بالنص

<sup>1</sup> Réfère à so Fatwâ ki nous finn citer dans la page précédente.

[L'origine dans Ibaadat c'est qui tous pratiques empêchés excepté si ena ene texte qui legalize li.]

Pour comprend sa Qaa-idah la, nous pose ene question et Inshaa Allaah so reponse pour suffit comme refutation contre sa argument la.

- ❖ Est-ce qui Allaah fine envoie ou lor la terre pour faire Ibaadat qui ou content, et ensuite Li fine empeche ou pour faire tel tel Ibaadat,
- ❖ Oubien Allaah fine envoie ou lor la terre pour faire Ibaadat couma Allaah fine ordonné dans Qur-aan/Hadiith, et ensuite nous comprend qui cequi pas fine faire mention, c'est pas Ibaadat?

**Ref : La réalité de Bid'ah pg 120**

En verité, si nous guette bien, n'importe qui Bid-'ah qui ene dimoune faire, li bizin pe contredire ene Sunnah du prophète.

Par exemple,

Donne Azaan pour Eid, contredire Sunnah du prophète: Faire Swalaat Eid sans Azaan.

Donne Azaan apres enterre ene Mayyat, contredire Sunnah du prophète: Enterre Mayyat sans donne Azaan.

Faire Du'aa apres Swalaat Janaazah, contredire Sunnah du prophète: Termine Swalaat Janaazah sans faire Du'aa.

Lire certaines formules comme Niyyah avant commence Swalaat, contredire Sunnah du prophète: Commence Swalaat sans prononce bans formules pareille.

Faire Du'aa en Jamaat apres Swalaat Faraz, contredire Sunnah du prophète: Termine Swalaat Faraz sans faire Du'aa en Jamaat.

Feter à l'occasion naissance du prophète pendant le mois du Rabii-ul-Awwal, contredire Sunnah du prophète: Vivre le mois de Rabii-ul-Awwal sans aucun rite speciale.

**Ref : La réalité de Bid'ah pg 121**

➤ **Donc li simple et logique...Quand péna texte clair, authentique et explicite à propos faire Du'â Khatm-ul-Qur'ân dans Namâz Tarâweeh dépi pratique de Rasoulullâh ﷺ et de bann Swahâbah, alors comment IBN BAAZ finn permettre li contredire principe de so propre école de pensé, Wahhâbiy, et dire ki ça pratique-là (li) permissible ?**

➤ **Eski « Bid'ah » Du'â Khatm-ul-Qur'ân dans Tarâweeh pas contredire « Sunnah » de Rasoulullâh ﷺ de pas faire ça Du'â là ?**

2. Selon **IBN BAAZ**, faire Du'â Khatm-ul-Qur'ân dans Tarâweeh (li) **MUSTAHAB**. Li étrange ki li faire enn déclaration pareil, quand règle de l'école Wahhâbiy, couma **ALBĀNIY** finn préciser, c'est :

والاستحباب حكم شرعي، ولا يثبت بالحديث الضعيف

« Istihbâb » (être Mustahab) c'est enn Hukm Shar'iy, et li pas être prouvé par Hadeeth faible.

**Ref : Ahkâm-ul-Janâiz pg 243**

La question à Wahhâbiy c'est ki quand « Istihbâb » d'enn action (li) pas prouvé dépi Hadeeth faible selon zott, alors comment zott capave déclare faire Du'â Khatm-ul-Qur'ân dans Tarâweeh (li) Mustahab, quand li confirmé ki laisse Hadeeth authentique, péna même enn Hadeeth faible aussi ki finn être rapporté à ce sujet ?

3. **IBN BAAZ** finn même déclare faire Du'â Khatm-ul-Qur'ân dans Tarâweeh comme **SUNNAH**. La question ki posé ici c'est enn action ki nous péna aucaine preuve authentique ki Rasoulullâh ﷺ et so bann Swahâbah finn faire, comment Wahhâbiy capave appelle ça **SUNNAH**.

Eski c'est pas zott même ki dire :

Faire Ibaadat Allaah veut dire faire bans actions qui Allaah content. Couma nous pour conné qui Allaah content ene certain action oubien non? Pour sa, Allaah fine envoie le prophète Muhammad صلى الله عليه وسلم. Si nous trouvé qui le prophète Muhammad صلى الله عليه وسلم pas fine faire ene certain action, nous comprend par sa qui Allaah pas content sa quitechose la. Allaah dire :{4:80}

مَنْ يُطِيعِ الرَّسُولَ فَقَدْ أَطَاعَ اللَّهَ

[Celui qui obeir le messager, certainement li fine obeir Allaah.]

C'est sa utilité d'ene prophète : li ene intermediaire entre nous et Allaah pour faire nous conne cequi Allaah content et cequi Li pas content. Si le prophète صلى الله عليه وسلم pas fine faire ene certain action, sa veut dire qui Allaah pas reconnaitre sa action la, et li pas attire la satisfaction d'Allaah.

**Ref : La réalité de Bid'ah pg 30**

4. **IBN BAAZ** finn aussi attribuer pratique faire Du'â Khatm-ul-Qur'ân dans Namâz à bann Salaf. En réalité, li pé réfère à parole de Imâm Ahmad ibn Hambal رَضِيَ اللَّهُ عَنْهُ et aussi de certains 'Ulamâ, ki finn être rapporté à ce sujet par Imâm Ibn Qudâmah رَضِيَ اللَّهُ عَنْهُ (dcd 620 Hijriy) dans so livre Al-Mugniy. Mais là mo éna deux questions à poser :

1. Eski parole de ça bann 'Ulamâ-là finn être rapporté avec enn chaine de transmission connecté et authentique ?

➤ Si ou dire moi « NON », alors ou pas capave servi ça comme preuve.

➤ Si ou dire moi « Oui », alors mo demande ou :

« Enn action ki Rasoulullâh ﷺ et bann Swahâbah pas finn faire, eski parole de bann savants suffit pou prouver ki li Sunnah et Mustahab selon principe Wahhâbiy ? »

En réalité, la réponse est « Non ». C'est pourquoi Albâniy et d'autres savants Wahhâbiy finn déclare faire Du'â Khatm-ul-Qur'ân dans Tarâweeh comme étant Bid'ah, malgré zott conner ki Imâm Ahmad ibn Hambal رَضِيَ اللَّهُ عَنْهُ et certains 'Ulamâ finn dire à ce sujet.

Si disons Wahhâbiy insister même ki parole de ça bann savants-là (li) enn preuve pou bann-là, alors dans ce cas, mo demande zott kifer dans dizaine les autres choses ki permissible selon ça même bann savants-là, Wahhâbiy taxer ça de Bid'ah ? Voici quelques exemples :

### 1. FAIRE DU'Ā PAR WASEELAH DE RASOULULLĀH ﷺ

L'ancien Mufti-é-A'zwam de L'Arabie Saoudite, Ibn Baaz dire :

وأما قول القائل: (أسأل الله بحق أوليائه أو بجاه أوليائه أو بجاه النبي) فهذا ليس من الشرك ولكنه بدعة عند جمهور أهل العلم ومن وسائل الشرك

En céki concerne la parole : « Mo pé demande Allâh par intermédiaire So bann Awliyâ oubien par intermédiaire dignité de So bann Awliyâ oubien par intermédiaire dignité de Nabiy », alors cela c'est pas Shirk mais c'est Bid'ah auprès la majorité de bann savants et c'est parmi bann moyens vers Shirk.

**Ref: Majmou' Fatâwâ Vol 3 pg 322**

Pourtant Albâniy confirmer ki :

فأجاز الإمام أحمد التوسل بالرسول صلى الله عليه وسلم وحده فقط، وأجاز غيره كالإمام الشوكاني التوسل به وبغيره من الأنبياء والصالحين

Imâm Ahmad ibn Hambal ؒ finn permettre servi Waseelah de Rasoulullâh ﷺ seulement, et bann les autres tel que Imâm Shawkâniy finn permettre servi Waseelah de Rasoulullâh ﷺ, et de bann les autres parmi bann Ambi'yâ et pieux.

**Ref: At-Tawassul Anwâ'uhu wa Ahkâmuhu pg 42**

Ibn Taymiyyah (dcd 728 Hijriy) écrire:

جاء رجلٌ إلى عبد الملك بن سعيد بن أجزر فجلس بطنه فقال: بك داءٌ لا يبرأ. قال: ما هو؟ قال: الدُّبَيْلَةُ. قَالَ فَتَحَوَّلَ الرَّجُلُ فَقَالَ: اللَّهُ اللَّهُ اللَّهُ رَبِّي لَا أُشْرِكُ بِهِ شَيْئًا اللَّهُمَّ إِنِّي أَتَوَجَّهُُ إِلَيْكَ بِنَبِيِّكَ مُحَمَّدٍ نَبِيِّ الرَّحْمَةِ صَلَّى اللَّهُ عَلَيْهِ وَسَلَّمَ تَسْلِيمًا يَا مُحَمَّدُ إِنِّي أَتَوَجَّهُُ بِكَ إِلَى رَبِّكَ وَرَبِّي يَرْحَمُنِي مِمَّا بِي. قَالَ فَجَسَّ بَطْنَهُ فَقَالَ: قَدْ بَرَأْتُ مَا بِكَ عِلَّةٌ. قُلْتُ: فَهَذَا الدُّعَاءُ وَنَحْوُهُ قَدْ رُوِيَ أَنَّهُ دَعَا بِهِ السَّلْفُ

Enn dimoune finn vinn cott 'Abdul Malik ibn Sa'iyd ibn Ajbar. Celui-ci finn examine so ventre et li finn dire : To éna enn maladie incurable. Li finn demander : « Quelle maladie ? » Li finn répondre : « Dubaylah. »

Dimoune-là finn tourner et li finn dire : « Allâh, Allâh Allâh mo Seigneur, mo pas associer narien avec Toi, O Allâh mo pé tourne vers Toi par intermédiaire de To Nabiy Muhammad ﷺ, Yâ Muhammad mo tourne vers To Rabb par To intermédiaire, O mo Rabb gagne pitié lor moi. »

Li ('Abdul Malik) finn examine so ventre et li finn dire : « To finn guerri. To péna aucaine maladie. »

**Moi (Ibn Taymiyyah) mo dire : « Finn rapporté ki bann Salaf finn faire ça Du'â-là et bann Du'â similaires. »**

**Ref: Majmou' Fatâwâ Vol 1 pg 264**

## 2. FAIRE TALQEEN LORS QABR DE ENN MUSULMAN

Fatwâ de l'ancien 'plus grand Muftiy' du Royaume Wahhâbiy, Ibn Baaz :

س: ما حكم التلقين بعد الدفن؟ . ج: بدعة وليس له أصل، فلا يلحق بعد الموت وقد ورد في ذلك أحاديث موضوعة ليس لها أصل، وإنما التلقين يكون قبل الموت.

**Question :** Quelle est le « Hukm » de faire Talqeen après Dafn ?

**Réponse :** C'est enn Bid'ah ki péna aucaine origine. Alors pas bizin faire Talqeen après Dafn parce ki bann Hadeeth ki finn cause lors là (zott) **FABRIQUÉS**, ki péna aucaine origine. Talqeen se fait seulement avant la mort.

**Ref : Majmou' Fatâwâ Vol 13 pg 206**

Pourtant Ibn Qayyim Al-Jawziyah (dcd 751 Hijriy) écrire :

وَيَدُلُّ عَلَى هَذَا أَيْضًا مَا جَرَى عَلَيْهِ عَمَلُ النَّاسِ قَدِيمًا وَإِلَى الْآنِ، مِنْ تَلْقِينِ الْمَيِّتِ فِي قَبْرِهِ وَلَوْلَا أَنَّهُ يَسْمَعُ ذَلِكَ وَيَنْتَفِعُ بِهِ لَمْ يَكُنْ فِيهِ فَائِدَةٌ، وَكَانَ عَبَثًا.

Le fait que bann musulmân depuis ancien l'époque jusqu'à maintenant finn faire Talqeen à Mayyit lors so Qabr c'est enn preuve ki Mayyit tender et li profiter avec ça. Sinon si pas ti éna aucaine profit pou Mayyit là-dans, alors li ti pou enn pratique inutile.

وَقَدْ سُئِلَ عَنْهُ الْإِمَامُ أَحْمَدُ رَحِمَهُ اللَّهُ، فَاسْتَحْسَنَهُ وَاحْتَجَّ عَلَيْهِ بِالْعَمَلِ.

**Imâm Ahmad ibn Hambal** ﷺ finn être interrogé concernant (*faire Talqeen après Dafn*), alors li finn considère cela enn bon pratique et li finn prend comme preuve pratique (de bann musulmans) lors là.

**Ref: Kitab-ur-Rouh pg 20**

فَهَذَا الْحَدِيثُ وَإِنْ لَمْ يَثْبُتْ، فَاتَّصَلَ الْعَمَلُ بِهِ فِي سَائِرِ الْأَمْصَارِ وَالْأَعْصَارِ مِنْ غَيْرِ انْكَارٍ كَافٍ فِي الْعَمَلِ بِهِ، وَمَا أَجْرَى اللَّهُ سُبْحَانَهُ الْعَادَةَ قَطُّ بِأَنَّ أُمَّةً طَبَّقَتْ مَشَارِقَ الْأَرْضِ وَمَعَارِجَهَا، وَهِيَ أَكْمَلُ الْأُمَّمِ عُقُولًا، وَأَوْفَرُهَا مَعَارِفَ تَطْبِيقِ عَلَى مُحَاطَبَةِ مَنْ لَا يَسْمَعُ وَلَا يَعْقِلُ، وَتَسْتَحْسِنُ ذَلِكَ لَا يُنْكِرُهُ مِنْهَا مُنْكَرٌ بَلْ سَنَّهُ الْأَوَّلُ لِلْآخِرِ، وَيَقْتَدِي فِيهِ الْآخِرُ بِالْأَوَّلِ، فَلَوْلَا أَنَّ الْخُطَابَ يُسْمَعُ لَكَانَ ذَلِكَ بِمَنْزِلَةِ الْخُطَابِ لِلثُّرَابِ، وَالْحَشَبِ وَالْحَجَرِ وَالْمَعْدُومِ، وَهَذَا وَإِنْ اسْتَحْسَنَهُ وَاحِدٌ فَالْعُلَمَاءُ قَاطِبَةً عَلَى اسْتِغْبَاحِهِ وَاسْتِهْجَانِهِ.

Malgré ça Hadeeth-là (li) pas prouvé (d'être authentique) mais le fait que (faire Talqeen après Dafn) finn être pratiqué continuellement dans tous bann villes et dans tous époques sans quique objection (li) suffit pou mettre li en pratique. Jamais Allâh pas laisse Ummah ki trouve dans tous coins du mondes, l'Ummah ki meilleur en terme intelligence et connaissance d'accord lors converse avec bann ki pas tender et pas comprend. Et zott considère cela bon et personne pas objecter lors là. Au contraire, bann premiers finn commence ça et bann ki vinn après (zott) suivre bann premiers dans cela. Si le Mayyit pas ti pou tann la conversation, alors ça conversation-là (li) similaire à converse avec la terre, du bois, roche et bann choses inexistantes. Et ça, si disons enn dimoune capave considère li bon, mais tous bann 'Ulamâ ti pou condamne et désapprouve li!

### 3. LECTURE QUR'ĀN LORS QABR DE ENN MUSULMAN

*Réfère à nous livret lors ça sujet-là.*

### 4. CHERCHE BARAKAH AVEC QABR & MIMBAR DE RASOULULLĀH ﷺ ET BANN PIEUX

**FATWĀ** de l'ancien plus grand Mufti du Royaume Wahhâbiy (L'Arabie Saoudite), **IBN BAAZ**:

س: هل التبرك بقبر النبي - صلى الله عليه وسلم - جائز؟

ج: لا يجوز، بل هو بدعة ومن وسائل الشرك، فالتبرك بزيد، أو عمرو، أو بجدران الكعبة، أو بما يشبهه، أو بالأسطوانات، هذه بدعة قد تفضي إلى الشرك إذا ظن أن البركة تحصل منها، أما إذا ظن أنها مشروعة فهذه بدعة، والواجب ترك ذلك، وإنما شرع التبرك به - صلى الله عليه وسلم - في حياته

#### QUESTION:

Eski gagne droit cherche Barakah avec Qabr de Nabiyyé Kareem ﷺ ?

#### RÉPONSE:

Li pas permissible. Au contraire c'est **BID'AH** et **ENN DE BANN MOYENS SHIRK**. Ainsi que cherche Barakah avec X, Y oubien avec bann murs de Ka'bah oubien céki similaire oubien avec bann collones; tous ça c'est Bid'ah ki amène vers Shirk, si éna croyance ki gagne Barakah de ça. Si croire ki cela (li) permissible d'après Sharee'ah, alors c'est Bid'ah et li obligatoire pou quitte li. Li ti seulement permissible pou cherche Barakah avec Li ﷺ pendant so la vie (terrestre).

Ref : Majmou' Fatâwâ Ibn Vol 28 pg 286

Pourtant le fils de Imâm Ahmad ibn Hambal ؒ dire:

سَأَلْتَهُ عَنِ الرَّجُلِ يَمْسُ مِنْبَرَ النَّبِيِّ صَلَّى اللَّهُ عَلَيْهِ وَسَلَّمَ وَيَتَبَرَّكُ بِمَسِّهِ وَيَقْبَلُهُ وَيَفْعَلُ بِالقَبْرِ مِثْلَ ذَلِكَ أَوْ نَحْوِ هَذَا يُرِيدُ بِذَلِكَ التَّقَرُّبَ إِلَى اللَّهِ جَلَّ وَعَزَّ فَقَالَ لَا بَأْسَ بِذَلِكَ

Mo finn demande li (Imâm Ahmad ibn Hambal ؒ) à propos enn personne ki touche Mimbar de Nabiyyé Kareem ﷺ pou cherche Barakah et li embrasse le Mimbar, et la personne faire la même chose avec le Qabr oubien bann choses similaires à ça, avec l'intention rapproche avec Allâh...

**IMĀM AHMAD IBN HAMBAL** ؒ finn réponn: "Péna narien de mal là-dans."

Ref: Al-'Ilal Wa Ma'rifat-ur-Rijâl Vol 2 pg 492

**HĀFIZ ZAHABIY** ؒ écrire:

قَالَ عَبْدُ اللَّهِ بْنُ أَحْمَدَ: رَأَيْتُ أَبِي يَأْخُذُ شَعْرَةً مِنْ شَعْرِ النَّبِيِّ - صَلَّى اللَّهُ عَلَيْهِ وَسَلَّمَ - فَيَضَعُهَا عَلَى فِيهِ يُقْبَلُهَا. وَأَحْسِبُ أَنَّ رَأْيَهُ يَضَعُهَا عَلَى عَيْنِهِ، وَيَغْمِسُهَا فِي الْمَاءِ وَيَشْرِبُهُ يَسْتَشْفِي بِهِ.

وَرَأَيْتُهُ أَخَذَ قِصْعَةَ النَّبِيِّ - صَلَّى اللَّهُ عَلَيْهِ وَسَلَّمَ - فَغَسَلَهَا فِي حُبِّ الْمَاءِ، ثُمَّ شَرِبَ فِيهَا، وَرَأَيْتُهُ يَشْرَبُ مِنْ مَاءِ زَمْزَمَ يَسْتَشْفِي بِهِ، وَيَمْسَحُ بِهِ يَدَيْهِ وَوَجْهَهُ.

قُلْتُ: أَيْنَ الْمَتَنِّطُ الْمُنْكَرُ عَلَى أَحْمَدَ، وَقَدْ ثَبَتَ أَنَّ عَبْدَ اللَّهِ سَأَلَ أَبَاهُ عَمَّنْ يَلْمَسُ رُؤْيَا مَنْبَرِ النَّبِيِّ - صَلَّى اللَّهُ عَلَيْهِ وَسَلَّمَ - وَيَمْسُ الْحِجْرَةَ النَّبَوِيَّةَ، فَقَالَ: لَا أَرَى بِذَلِكَ بَأْسًا. أَعَاذَنَا اللَّهُ وَإِيَّاكُمْ مِنْ رَأْيِ الْخَوَارِجِ وَمِنْ الْبِدْعِ.

'Abdullâh ibn Ahmad رحمته الله dire: Mo finn trouve mo papa (Imâm Ahmad ibn Hambal رحمته الله) prend enn brin cheveu de Rasoulullâh رحمته الله, li finn pose ça lors so la bouche et li finn embrasse li. Mo penser ki mo finn trouve li pose ça lors so lizié. Et li finn plonge li dans de l'eau et li finn boire ça de l'eau-là pou cherche guérison. Mo finn aussi trouve li prend bol de Rasoulullâh رحمته الله, li finn lave li dans de l'eau et li finn boire depuis là-dans. Mo finn trouve li boire de l'eau Zamzam pou cherche guérison, et li finn frotte so la-mains et so visage avec ça.

**Hâfiz Zahabiy** dire:

Cott le critique obstiné de Imâm Ahmad? Li prouvé ki 'Abdullâh finn demande so papa (Imâm Ahmad ibn Hambal رحمته الله) concernant enn personne ki passe so la-mains lors pommeau Mimbar de Nabiyyé Kareem رحمته الله et li touche Hujrah de Nabiyyé Kareem رحمته الله. Alors Imâm Ahmad ibn Hambal رحمته الله finn réponn: "Péna narien de mal là-dans." Ki Allâh protège nous et zott contre conception de bann Khârijiy et Bid'atiy!

**Ref: Siyar A'lâmin Nubalâ Vol 11 pg 212**

Hâfiz Zahabiy رحمته الله (dcd 748 Hijriy) écrire:

أَنَّ يَحْيَى أَوْصَى بِثِيَابِ بَدَنِهِ لِأَحْمَدَ بْنِ حَنْبَلٍ فَلَمَّا قَدِمَتْ عَلَى أَحْمَدَ أَخَذَ مِنْهَا ثَوْبًا وَاحِدًا لِلْبِرْكَاتِ

Imâm Yahyâ رحمته الله ti faire Waswiyyah ki (après so Wafât), so bann vêtements ki li finn porté lors li, vinn en possession de Imâm Ahmad ibn Hambal رحمته الله. Quand (so bann vêtements) finn arrive chez Imâm Ahmad ibn Hambal رحمته الله, celui-ci finn prend enn seul là-dans, acause **BARAKAH**.

**Ref: Siyar A'lâmin Nubalâ Vol 10 pg 517**



## **ARGUMENT WAHHÂBIY**

Ibn Baaz finn faire erreur et to pas capave base lors là pou condamne tous Salafi.


## **NOUS RÉPONSE :**

La raison kifer nous pé cause ça Mass'alah-là c'est quand zordi nous guette Wahhâbiy de L'Arabie Saoudite, nous trouver ki bann-là pé encore pratique ça « Bid'ah »-là. Des millions dimounes chaque année paye billet pou alle Makkah pou participe dans ça « Bid'ah »-là.

Nous demande le monde Wahhâbiy :

- Chaque année zott cause contre célébration Yawm-un-Nabi ﷺ, alors kifer zott pas cause contre Bid'ah Du'â Khatm-ul-Qur'ân ki pé faire dans Masjid-u-Harâm dans Namâz dans enn grand mois Ramadhân ?
- Eski pas TOUS Bid'ah ki est l'égarement ? Oubien règle-là changer si c'est zott dimoune ki pé faire li ???

En réalité nous observer quand le mois Rabee-'ul-Awwal vini, Wahhâbiy toujours soulève discussion à propos Bid'ah. Ou trouve certains attaque Yawm-un-Nabi ﷺ par pose certains questions. Voici céki zott habituer partager lors bann réseaux sociaux.



## TRADUCTION & EXPLICATION

Wahhâbiy pose certaines questions et zott but derrière ça c'est soi-disant prouver ki célébration de Yawm-un-Nabi ﷺ c'est enn Bid'ah de l'égarément. Zott commencer par pose question suivant :

**Eski célébration Yawm-un-Nabi ﷺ c'est « طاعة » (enn acte de l'obéissance)**

**Oubien c'est « معصية » (enn acte de désobéissance) ?**

Si ou réponse est : « Célébration Yawm-un-Nabi ﷺ c'est « معصية » (enn acte de désobéissance) » (ki normalement pas pou réponse de enn Sunni), alors Wahhâbiy pou dire:

**« Donc to pé affirmé ki célébration Yawm-un-Nabi ﷺ (li) pas permissible et pas gagne droit faire li! » Dans ça façon-là, li fini vite avec ou.**

Mais si ou réponse est: « Célébration Yawm-un-Nabi ﷺ li « طاعة » (enn acte de l'obéissance) » (ki normalement pou réponse de enn Sunni), alors le Wahhâbiy pou demande ou:

**« Eski Rasoulullâh ﷺ ti éna connaissance concernant ça oubien non ? »**

Si ou dire : « NON, Rasoulullâh ﷺ pas ti éna connaissance concernant ça » (ki Sunni pas pou dire), alors Wahhâbiy pou dire:

**« To pé accuse Rasoulullâh ﷺ de l'ignorance et ça c'est Kufr... ! »**

Si ou répondre : « Oui, Rasoulullâh ﷺ éna connaissance concernant ça », alors le Wahhâbiy pou demande ou:

**« Eski Rasoulullâh ﷺ finn transmettre ça à nous oubien non ? »**

Si ou dire « NON » (ki Sunni pas pou dire), alors Wahhâbiy pou dire:

**« To pé accuse Rasoulullâh ﷺ de cachiette message ki Allâh finn ordonne Li ﷺ pou transmettre à nous. Ça (li) contredire Qur'ân et c'est enn manque du respect à Rasoulullâh ﷺ ! »**

Si ou dire « Oui, Rasoulullâh ﷺ finn transmettre à nous », alors le Wahhâbiy pou dire ou :

**«Présente Hadeeth authentique explicite ki prouvé ki Rasoulullâh ﷺ et So bann Swahâbah finn célébrer Yawm-un-Nabi ﷺ ! Si to pas capave amène enn Hadeeth authentique, alors ça prouvé ki célébration Yawm-un-Nabi ﷺ c'est enn Bid'ah de l'égarément et li amène vers du feu l'enfer »**

Après ki nous finn comprend bann questions/réponses de Wahhâbiy, laisse nous pose zott bann questions à bann-là même à propos Du'â Khatm-ul-Qur'ân dans Namâz Tarâweeh, couma Wahhâbiy faire dans Masjid-ul-Harâm zordi.

**QUESTION ADDRESSÉ À WAHHĀBIY CONCERNANT DU'Ā  
KHATM-UL-QUR'ĀN KI ZOTT FAIRE DANS NAMĀZ TARĀWEEH  
DANS RAMADHĀN DANS MASJID-UL-HARĀM**

**Faire Du'â Khatm-ul-Qur'ân dans  
Namâz Tarâweeh li:**

**Enn acte de  
l'obéissance  
(طاعة) ?**

**Oubien enn acte de  
désobéissance  
(معصية)?**

**Eski Rasoulullâh  
ﷺ ti au courant  
de sa oubien  
non?**

Si c'est معصية,  
alors li pas  
permissible!

**Si ou dire "OUI", alors  
eski Rasoulullâh  
ﷺ finn transmettre ça à  
nous?**

Si ou dire "NON", alors  
ou pé accuse  
Rasoulullâh ﷺ de  
l'ignorance ki est Kufr!

Si ou dire "NON",  
alors ou pé accuse  
Rasoulullâh ﷺ de  
cachiette message  
de Islam !

**Si ou dire "OUI", alors  
présente Hadeeth  
authentique explicite ki  
prouvé ki Rasoulullâh  
ﷺ et So bann Swahâbah  
finn faire Du'â Khatm-ul-  
Qur'ân dans Tarâweeh!**

Si pas capave amène enn Hadeeth authentique,  
alors ça prouvé ki faire Du'â Khatm-ul-Qur'ân dans  
Tarâweeh c'est enn Bid'ah de l'égarement ! »

Tous Bid'ah li  
dirige vers  
du feu l'enfer  
!!!

Dans Bid'ah  
péna narien  
ki capave  
faire so éloge  
!!!

Bann soi-disant  
combattant de Bid'ah pé  
faire Bid'ah dans Namaz  
cott Ka'abah dans enn  
grand mois de  
Ramadhan !!!

Cott ou justice été? Yawm-  
un-Nabi ﷺ ou critiquer,  
kifer pas tann ou du tout  
concernant Bid'ah Du'â  
Khatm-ul-Qur'ân ?

## ENCORE ENN « BID'AH » DE WAHHĀBIY

Durant 10 dernières nuits du mois Ramadhân, Namâz Tahajjud être accomplit en Jamâ'ah dans Masjid-é-Harâm à Makkah.

Kikène finn pose question suivant à Albâniy :

ما يحدث الآن يا شيخ في رمضان في العشر الأواخر، يُقَسِّمُونَ الصلاة الصلاة في أول الليل وفي آخره، وأصبح

هذا يعني نظام دائم؟

Céki arriver maintenant dans denier tier du mois Ramadhân, bann-là divise Namâz Qiyâm-ul-Layl en accomplissant enn partie dans commencement la nuit, et enn partie dans dernier partie la nuit, et ça finn vinn enn système continuel ?

الشيخ: بدعة

Albâniy répondre : **BID'AH**

**Ref : Turâth Albâniy fil Fiqh 7/116 - 3552**

Pou conclure, nous dire ki péna doute Wahhâbiy finn mal-comprend le sujet de Bid'ah. Et basant lors zott compréhension erronée, zott finn taxer des millions musulmans de Bid'atiy injustement. Mo espérer ki à travers ça explication-là, zott arriver comprend zott erreur et zott arrête sème désordre dans la communauté.

Sinon si zott pas disposer faire ça, alors gagne courage pou dire ki Wahhâbiy aussi pé faire Bid'ah... Ou pas d'accord avec célébration Yawm-un-Nabi ﷺ acause ou considère ça Bid'ah, mais avouer ki ou aussi pratique Bid'ah, et ça aussi dans Namâz dans Masjid-ul-Harâm dans enn grand mois de Ramadhân !

## À SUIVRE INN SHĀ ALLĀH



### POU PUBLIER BIENTÔT **إِنْ شَاءَ اللَّهُ**

- AL-ISRĀ WAL-MI'RĀJ
- FAZEELAT LA NUIT DE SHAB-É-BARĀ'AT
- TRADUCTION ET COMMENTAIRE QUR'ĀN EN CRÉOLE

**Contribuez généreusement au RAZA ACADEMY :**

**Raza Academy – Maubank 143100003031**

**OU CAPAVE ACHETER NOUS BANN LIVRES ONLINE LOR**

**WEBSITE SUIVANT :**

**<https://madinah.cloud/>**